

## Habibović Sabira - geometar



Habibović Sabira rođena je 27. 05. 1966. godine u Sarajevu, od oca Muhameda i majke Razije.

Završila je Osnovnu školu „Petar Kočić“ (danas „Vrhbosna“) u sarajevskom naselju Vasin Han.

Poslije završene osnovne škole upisuje srednju Geodetsku tehničku školu u Sarajevu, generacija 1980./1984. godine.

Kao odličnog đaka Geodetske tehničke škole, JP Geodetski zavod BiH je, odmah nakon završene škole, prima u radni odnos.

U Geodetskom zavodu radi od 09.07.1984. godine, najprije u RJ Kartografija, potom Premjer, a početkom rata opet se vraća na Kartografiju.

Bila je poznata je kao izuzetno vrijedan radnik. Stalno se usavršavala i pratila nove tehnologije. Od 2007. godine počinju teški dani za JP Geodetski zavod, odnosno borba za status Zavoda, ali i za radnička prava.

Jedna je od osnivača Sindikata u Geodetskom zavodu i sigurno jedna od najzaslužnijih za ostvarivanje radničkih prava.

Ostaje upamćena kao najveći borac za instituciju JP Geodetski zavod BiH, ali bezuspješno.

Radni vijek završava 31.12.2015. godine, kao i svi radnici Zavoda.

Nakon toga se prijavljuje na Biro rada i sama sebi dobrovoljno uplaćuje osiguranje do dana preseljenja.

Kroz sve ove godine se preplela njena bolest o kojoj je malo govorila i nosila ju je sama sa svojom porodicom.

Neizmjerne je voljela majku Razu, koju smo svi zvali nana Raza, i brata Samira.

Brat Samir Habibović i njegova supruga Sabina, koji su takođe geometri i radili su u Geodetskom zavodu, pružali su joj veliku podršku.

Veliku ljubav je pružala Samirovoj djeci Elmi i Amri, ali i ostaloj „zavodskoj djeci“ kako je nazivala djecu naših zaposlenika: Selvetinog Kenana, Erminine Nerminu i Lejlu, Senadine Eminu i Tarika itd.

Sve su to bila njena djeca, pa su joj oni kao njena djeca i došli na posljednji ispračaj.

Ono što nije mogla podnijeti je neriješen status Geodetskog zavoda, ovaj sistem u kojem se više ništa ne zna; od radničkih prava, sistema zdravstvene zaštite, nesigurnosti življenja, nepotizma, nestručnosti u svim institucijama itd. i itd. Surova stvarnost!

Otišla je pod velom tajne za porodicu, ali i za sve nas.

**JEDNA ISKRENA, ČASNA I POŠTENA DUŠA!**

Neka ti je vječni Rahmet, draga Sabira!

*Senada Kutlovac*